



OCEANS PROTECTION PLAN

Kanatami taryugallukmi unalu imakmi aullaknikmun ingilgaayanginik apkutait uvuna ipikgiyaknakpiaktut ilihimayauyut talvani Kanatami inuhiinilu unalu ingilgaangnitauyutlu. Tahapkununa pikaktut havakvikhanik ilaanginik, aah uulapkiviktut ituk alangini, uvunalu atugakhaliuknikmun uvuna nakuyunik, aaklingnaktunik unalu aaklikgiyakut uvaptingni tamaptingnilu. Tamna Taryukmi Pirmumiyauyunik Pangnattautunik imalu tamna anginitkiyauyuk atukpaktunit naudjutivaktut maniliuknikmun pihimayut havakhikhimayut talvuna pirmumiyauyukhanik Kanatami taryugallukmi unalu imakmi aullaknikmun ingilgaayanginik apkutait, kanukgilliuiktillugit naudjutiyunik uvaptingni havakhaliuknikmun. Pilingmik \$ 1.5 billiadallamik hilaryuami Taryukmi Pirmumiyauyunik Pangnattautunik, ahiagut kinguvaakhanik pilutik aullaganginaktukhanik talvuna nakugiyauullutik unalu ikayutikhanik tapfumanga ipikgiyauyunik illauyuk talvani Kanatami ilihimayauyuk uvuna tadja pidjutigiyauyunik.

IHMADJUTIKGIYAUYUNIK

- Naudjutillutik aah hilaryuami hivuniktuiyunik taryumi kayaknaitumik atugakhanik uvuna pirmumiyauyukhanik Kanatami imainik.
- Ildjuhingukfaaklugit unalu pirmumiyauyukhanik taryumi nunainik umayunik unalu nunami nauhimayunik.
- Naudjutillutik aakhukgitillugit nunalingni killamiukgutikhanik kiudjutihainaktukhanik hivituniini uvuna aullaktikgutikhanik Nunattaknikmun Aviktuinikmunlu Inungni panaarinik uvunalu atadjutikgikpalliallutiklu taryugallukmi nunalingni.
- Atukpaktunit naudjutaullutik maniliuknikmunlu uvuna ukhuukyuat kuvivaktunik hallumakhiktukhanik kinikhianikmun ihiviukhinikmunlu hunnauyunik unalu atugakhaniklu talvuna piyauyakhainik tahapkununa tikuaktauhimayunik havakhikhimayunik killamiukgutikhanik pihimayukhat itkumallutik naunnaitkutakhanik.

UUKTUTIKHANIK ATADJUTIKGIKTUKHANIK

Panaarit unalu atugakhaliuknikmun havakatigiknikmunlu talvuna tungaviyuut tahapkunani Kavamat talvani Kanatami hulidjutinik tapfumuna pirmumiyauyukhanik uvaptingni taryugallukmi. Pihunguyugut paanarilutaah tahapkuninga Nunattaknikmun Aviktuinikmunlu Inungni unalu taryugallukmi nunalingni imalu kinikhiallutallu tahapkuninga aiyukiktuiyukhanik tahapkunani kafiuyunik hulidjutinik ihumadjutauyunik talvuna Taryukmi Pirmumiyauyunik Pangnattautunik. Uvagut atadjutigiknikmun pilugit nunalingni aiyukiktauyukhanik, takuyauyukhanik hugyaikhimallugit, unalu atugakhaliuknikmun havakatiginikmut. Talvunalu pilutik ikayutaultik ilidjuhikguukniaklugitlu tahapkununga Nunattaknikmun Aviktuinikmunlu Inungni.

ATANGUYAT ATANGUYAULLUAKTUT ATANIT KAVAMAT

Aullaktittainikmun Aihinut Kanatami

Ikalukhiuktit unalu Taryumi Kanatami unalu Kanatami Umiakpaat Hikuhiuyuktunik

Anguhikiyit Atugakhaliuknikmun Kanatami

Nunalikiyit unalu Hila Alangukpaliayuk Kanatami

Uvuna panaarit tahapkuninga

Nunattaknikmun Aviktuinikmunlu Inungni.

Nunattukait, Nunattutukak unalu Nunaini Nunalingni

Taryumi Havakvik

Takulugit tukihigiarutinik: www.canada.ca/protecting-our-coasts



OCEANS PROTECTION PLAN

PANAARIT UNALU ATADJUTIKGIKNIKUNLU

- **Havaagilugit Nunattaknikmun Aviktuinikmunlu Inungni panaarit talvani taryumi kayaknaitumik atugakhanik;** naudjutillutik Nunattaknikmun Aviktuinikmunlu Inungni Umiakpaat Nakukgutait talvani B.C. talvanilu Tununngani, ilitukgipkaillutik Nunattaknikmun Aviktuinikmunlu Inungni ihuinakgumik tikuakhiktukhanik ilihautikhanik.
- **Aullaktiklutik atugakhaliuknikmun havakatigiknikmunlu munakgiyauyukhanik havakhiklutik** tahapkunani inungni, Nunattaknikmun Aviktuinikmunlu Inungni unalu panaarinit, amigaikyumitvaktut ilauyukhanik Nunattaknikmun Aviktuinikmunlu Inungni, nunalingni unalu angnani.
- **Naudjutillutik hilaryuami tuhaadjutigiknikmun katimadjutikhanik** tahapkunani Kanatami talvuna ukkautigiyauyukhanik aullaktittainikmun aihinut kayaknaitumik unalu nunalikinikmun ihuikgutainik.

ILIDJUHIGIINIACLUGIT NUNATTUTUKANIK

- **Ilidjuhiginiaklugit nalliak ilidjuhigingukfaakniaklugit taryumi nunattutukanik nunamiutanik umayunik,** ilaagilugit tahapkunani Taryugallukmi ilidjuhigingukfaakniaklugit Manikhaakhautikhanik, Taryumi Umayutainik Kiudjutikhanik unalu Taryumi Pirmumiyauyukhanik Nunaini Adjillugutikhanik piksaaliugutunik Havavikhanik.
- **Kayakgilutik kayaknaitumik uvuna aullaktittainikmun aihinut uvuna taryumi umayutainik unalu nunattutukak,** ilaagiyainik atani imak nipikuuktuyunik; tutkikhaillutik pinnahuaknikmun kayakgilutik naunnaitkutakhanik; taryumi nunattutukat kanukgitakhainik tutkikhaillutik.
- **Tutkikhaillutik talvuna ihuikgutivaktunik taryumi aullaktittainikmun aihinut uvuna nunatuttukamit.** Tungavikhanik naunnaitkutakhanik katittigiyukhanik uvunalu hilaryuami kaaligiktiktunik ihuikgutivaktunik tutkikhiklutik havakhiklutik talvuna nalaumayukhanik ihuikgutivaktunit uvuna aullaktittainikmun aihinut talvani nunamiutanik umayunik.
- **Naunnaiyaklugit kimaakhimayunik unalu aihiguukhimayunik umiakpaanik** talvuna aullaktigutikhanik uvani hilaryuami hivuniktuyukhanik uvuna aamigiyaayukhanik pidjutinnaitumik unalu hallumaktitayukhanik, ilaagilugit nuutanguktikhimayunik malikgakhainik, nakutkiyayunik umiakpaanik naanminilingni piutigiyainik ilihimayayukhanik, uvunalu tahapkunanga naudjutihimayunik uvuna naanminilingnik piutigiyainik manikhaakhautikhanik talvuna akkilikhiyukhanik uvuna hallumakhiyukhanik tahapkunanga umiakpaanik ihiagut aipagungukpakgalluaklunilu.

NALLUKHANGITUNIK IHIVIUKHINIKMUN KINIHIANIKMUN HUNNAUTILANGNIK - TUNGAVIKHAK TIKUAKHILLUTIK-HAVAKHIKLLUTIK

- **Nakutkiyanik iunggaitaktauyukhanik ukhuukyuat kuvivaktunik talvani imakmi.** Ihiviukhillutik kinikhiallutik hunnautilanginik kanuktun ukhuukyuat ilidjuhiakpakpaat imakmi, amigaitunik-panaarikhanik Ihiviukhillutik kinikhiallutik hunnautilanginik manikhaakhautikhanik uvuna ukhuukyuat kuvivaktunik kiudjutikhanik nalluyaungitunik, ukhuukyuat kuvivaktunik tivyauttaktunik itkukniaktunik.
- **Ataniktuklutik Ihiviukhillutik kinikhiallutik hunnautilanginik talvuna nakuhiyumiktukhanik naunnaitkutakhanik uvuna ukhuukyuat kuvivaktunik kiudjutikhanik pangnattaayunik unalu hallumaktitukhanik.**
- **Tungavikhainik nunalikiyit naunnaitkutakhanik talvani B.C. tununngani taryumi** Havakhiklugit alangukattaktunik uvani tungavikhanik nunalikiyit naunnaitkutakhanik ikayutikhanik killamiugutikhanik hunnaikhimayukhanik unalu kiudjutikhanik.

HILARYUAMI-HIVUNIIKTUIYUNIK TARYUMI KAYAKNAITUMIK

- **Hunnaikhimalutik unalu avaakgugutillutik itkumayunik ublukhiutukhimayunik taryumi hulidjutiinik tukihigiarutinik** tahapkunani nunaini nunalingni
- **Atugakhaliuknikmun havakatigiknikmunlu tahapkunani nunalingni taryumi hulidjutiinik munakgiyauyukhanik,** ilaagilugit tahapkunanga aullaktigutikhanik uvuna amigakhuutikhanik kangillimaitunik, ingilgaayanginik apkutainik umiakpaat, unalu nunaini pitaililugitlu.
- **Naunnaiyattiaklugit uvuna Ukhuukyuanik Akyakpaktunik Nuutkaktittautaktunik Malikgakhak tahapkunani B.C tununngani taryumi**
- **Nakuhiyumiklugit ihuinaktunik munakgiyauyukhanik hivuniinut tuhanggitutuut kiudjutikhanik** uvuna atuklutik aah ihuinaktunik tikuaktauyukhanik atugakhanik; nuutanik atukpakgainik tikuaktauyukhanik havavikhanik; taryumi tuhaadjutigiknikmun unalu aullaktunik ingilgaayunik havakpauhidjutinik aagidjiyukhanik; unalu kayakuttaayunik naunnaitkutakhanik taryumi ublukhiutukpaktunik kinikhianikmun unalu nalvaakhiuknikmun.
- **Aullaktigutikhanik kiudjutikhanik pangnattaayunik nalaumakpiaktunik tahapkunanga nunalingni ihaakgiahutiggiaayunik,** pilingnik nunattutukat kiudjutikhanik pangnattaayunik havakhikhimayunik talvuna B.C. tununngani taryumi.
- **Ilidjuhigiyakhainik malikgakhainik unalu malikgakhak** talvuna haagugikhiyumikgiangani tamna hallumaiyaivaktunik akkilikariakaktuk ataniktuttaayunik uvuna tutkikhaillutik tahapkunanga aullaktittainikmun aihinut Atugakhaliuknikmun Hallumaiyaivaktunik Manikhaakhautit talvunilu ilaulutik nallaumayunik ikayutikhanik; tutkikhaillutik tahapkunanga havakhautit Malikgakhak unalu alaaniit aullaktittainikmun aihinut malikgakhainik.
- **Ilidjuhigiyakhainik nallukhangitunik ihiviukhinikmun nunaamiutanik unalu naunnaiyainikmunlu tahapkunani nunaini,** imalu haaninginik hinnanginik unalu kulvaahiktunik hivliuyukhanik tuulalviinik nunalilviinik.
- **Amigaikyumilugit uvuna imakmi hulidjutinik unalu kiudjutikhanik hivitunikhainik** uvuna aullaktigutikhanik Hivliuyukhanik Nunalikiyit Kiudjutikhanik Havaktukhanik; ilidjuhigiyakhainik tahapkunani Kanatami Umiakpaat nunalikiyit kiudjutikhanik atugakhanik.
- **Angigliyumiklugit talvuna kauhimayauganginaktukhanik tahapkunani Umiakpaat Nakukgutait** talvuna ilauyukhanik killamiugutikhanik ilihautikhanik.
- **Atukpaktunit naudjuttaullutik maniliuknikmunlu uvuna kayaknaitumik atugakhanik unalu naluyaungitunik taryumi havakhiktukhanik** uvuna ilaagilugit nallautikuktukhanik nayugakhainik, nuutanguktikhimayunik atugakhanik uvuna Taryumi Umiakpaat Hikukhiuyuktunik, unalu nungudjutilingnik ubluinik atukpakgainik atuknianut uvuna kaalilliknik umpiakpaanik.
- **Naudjutillutik aah hila maliklugu hinnanginik kinikhiyukhanik kayaknik havavikhanik talvani Tununngani.**